

Gvangjsih Minzcuz Bau

ganhhau: CN45-0036 B.2018 Nd.7 Ng.25 liggaeuq fouhswt nienz ndwenroek cibsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3334期

“Gyangjsizsoj Seizdaih Moq” Duh’anh Dohcaez Singz Mbanj

都安“新时代讲习所”遍布城乡

Duh’anh Yauzcuz Swciyen mboujduenh cauhmoq, youq Yaau Cin、Sanhciehyangz Yangh Lungzfangz Cunh、dieganceiq senjranz banggunz senj dieg Gojli daengj daengx yienh gak yanghcin、mbanjgungzhoj、dieg-anceiq senj dieg laebbaenz le “Gyangjsizsoj Seizdaih Moq”, hawj “Gyangjsizsoj Seizdaih Moq” dohcaez singz mbanj.

“Gyangjsizsoj Seizdaih Moq” Duh’anh laeb gij neiyungz hozdung gangj siz “1 + 3 + X”. “1” couhwdg yungh hagsib senhconz gvancez gij ngeixnaemj Siz Ginbingz sevei cujyi miz daegsaek Cungguk seizdaih moq guh cawjsienq; “3” couhwdg cungdenj gangj gij cingsaenz Cibgouj

Daih、Cibgouj Gaiq Ngeihcung、Samcung cienzhoih dangj, lajmbanj saenqhwnz canloz, sevei cujyi hwsinh gyacizgvanh sam aen fuengmienh neiyungz; “X” couhwdg dungjcouz Duh’anh gihcwnz saedsaeh caeuq gij hong vunzlai gig gvansim haenx, dawz vut gungz gunggeng、gaijbienq fungsug gaeuq、cingsaenz Duh’anh daengj neiyungz baenzdauc caeuq vunzlai gvanhaeh maedcaed haenx nabhaeuq yangjsiz fancouz. Aen yienh neix cujiz yienh yangh lingjdauc ganbu、“suhgi daih’it” youq mbanj、vunzndei Duh’anh caeuq bouxak baenz miz(bouxak dangjyenz) laebbaenz aen doihsenhyangj yangj-sizsoj, bae daengz yanghcin、mbanj、

dieganceiq senjranz banggunz senj dieg、hagdangz daengj haiguh gij hozdung cawjdaez hagsib gyaucuz hagsib lundanz、cihsiz doxdax、dinfwngz doxdax daengj lai cungj hingzsiq, yungh “dangzgoq yangjsiz” “riuzdoengh yangjsiz” dox giethab, doenggvaq “hoih daengq” “hoih humxgien” “yangjdangz yanghcong” daengj fuengsik gangj, cienzmienh dawz gij ngeixnaemj Siz Ginbingz sevei cujyi miz daegsaek Cungguk seizdaih moq daegbied dwg gij cingsaenz caeuq neihanz fungfouq cinjcing vut gungz fanghloz, cienzndenq daengz vunzlai gihcwnz bae.

(Veiz Bingjvang)

Lungzswng: Byaij Coh Gyauejgai Senhconz Diuzlaeh Gagguenj

龙胜:自治条例宣传走向街头

Ndwen 7 ngoenz 20, Lungzswng Gak Cuz Swciyen cujiz haiguh aen hozdung senhconz diuzlaeh gagguenj aen yienh gagguenj, doenggvaq yienq gyoengq vunzlai fat 《Diuzlaeh Gagguenj Lungzswng Gak Cuz Swciyen》 senhconz swliu caeuq yienhciegz gejdooq daengj fuengsik, gyalai senhconz diuzlaeh gagguenj aen yienh neix, hawj ranzranz cungj rox bae. Ndaw doz dwg bouxguhong fat senhconz swliu hawj vunzlai.

(Vang Yungjdanh/黄勇丹)

Denzlinz Ranzgungzhoj Cauh Ndoeng Ndaej Laisou

田林贫困户造林增收

Denzlinz Yen genhciz gij roen-naemj vut gungz gunggeng “saek-loegvaq” “swnghdai hwnjguh canjniebvaq, canjnieb hwnjguh swnghdaiva”, cienzmienh hengzguh “loeg rim Denzlinz” gunghcwnz. Seizneix, daengx yienh linzyez canjiz daengz 7.17 ik maenz, haujlai ranzgunzhoj doenggvaq cau hndoenz ciengjbouj daengj ndaej cujyau ginghci souhaeuq.

Denzlinz dwg aen yienh Guengjsae diegnamh mienhcik ceiq gvangq, dieg gvangq vunz noix. Aen yienh neix yungh gijndei bonjfaenh, yungh “gunghsw + hozcozse + nungzhoh (ranzgunzhoj) + gihdi + hanghmoeg”

daengj vunqsik, haenqrenz guh ndei “saekloegvaq” vut gungz gunggeng faenzcieng: Miz 45 aen mbanjgunzhoj 375 ranz gyauejvunz gungzhoj, ndaej cunghyangh caizcwnz cau hndoenz boujdiep, bouxvunz bingzyaenz 417 maenz; miz 31 aen mbanjgunzhoj 106 ranz gyauejvunz gungzhoj, ndaej ganq ndoenz boujdiep, bouxvunz bingzyaenz 1076 maenz; miz 35 aen mbanjgunzhoj 187 ranz gyauejvunz gungzhoj ndaej youzcac cau hndoenz hanghmoeg bangbouj, bouxvunz bingzyaenz 183 maenz; miz 105 aen mbanjgunzhoj 1.84 fanh ranz gyauejvunz gungzhoj, ndaej ndoenz swnghdai yauqik dienzbouj, bouxvunz

bingzyaenz 291 maenz daengj.

Ciuq cam rox, vih cungfaen leihyungh gij hoenggan gvangqlangh ndaw ndoenzfaex、laj ndoenzfaex, aen yienh neix cingjhab bouhmonz ngaenzcienz caeuq banggunz haifat cienhangh ngaenzcienz, leihyungh 680 lai fanh moux diegndoenz. youq laj gofaex ciengx gaeq、ciengx mou、ciengx yienz daengj, caeuq ndaem raet、raetmoenggaex、hing、maenz、duhhenj daengj daegsaek dajndaem, gya’gvangq diuzroen hawj bouxguhnaez gungzhoj laisou, saed-yienh laj ndoenzfaex ginghci canjiz daengz 15.37 ik maenz.

(Yenj Cinbyauh)

SIUSIK DINJ

简讯

● Mboengqneix, Denzyangz Yen Yifung Cin gig yawjnaek hong senhconz ciubing seizhah, doenggvaq nem byauhyij、venj fukhwngzfuz、ok banjbau、haeuq ranz gojgangj daengj hingzsiq, haenqrenz senhconz gij cwnz-cwz、iugouz、biucinj daengj hong ciubing bineix, gaenxmaenx dungyenz gyoengq bouxcoz hab bi’ndwen daengx cin gaenxmaenx bauqmingz wngq ciu.

(Vang Gozsun)

● Ndwen 7 ngoenz 9 daengz ngoenz 17, Cungzcoj Si Gyanghcouh Gih Minzcuzgiz、Minzyijban yungh gyajseizhwngq hagseng banh aen ban songyauq fwen canghfwen iq Bouxcuengh, gungh miz 30 boux hagseng iq camgya son’gyauq. Baez son’gyauq neix hawj gyoengq hagseng iq roxnyinh gij yinxdaez vwnzva fwen Bouxcuengh, caenh’itbouh gikfat gij yiedcingz gyoengqde swnjcienz caeuq fatyienz vwnzva minzcuz maenhndei.

(Veiz Veighen)

● Dasinh Yen doenggvaq gij fuengsik “denhsang + hozcozse + ranzgunzhoj”, gya-gvangq diuz roen vunzlai gai doxgaiq reihnaz. Seizneix, aen yienh neix gaenq laebbaenz 104 aen dieg fugsah cunghab denswj sanghvu lajmbanj, ndawde 25 aen dieg fugsah youq mbanjgunzhoj, mizyauq vih vunzlai dangdieg daezhawj gij fugsah gwnz muengx bang gai bang cawx、sou fat vaiqgienth daengj.

(Liengz Gveivah)

● Bineix doxdauj, Ningzmingz Yen Mingzyangh Cin yinxhaeuq aen giyez denswj、gyagoeng buhvaq youq Bwzcenz Cunh、Cinzyez Cunh、Li’gyangh Cunh daengj mbanj hailaeb “cehgenh banggunz”, youq bonj dieg dawz aen cangj gyagoeng hai youq bakdou ranz vunzlai, hawj beksingq youq bakdou ranz couh ndaej hwnjban couhnieb, cietsaed gaijgez seizhoengq mbouj miz hong guh、ok rog dajgoeng youh mbouj ndaej ciuqgoq bouxlaux、lwgnyez daengj vwndiz, hawj vunzlai mboujdan ndaej gyalai souhaeuq, youh ndaej ciuqgoq gyaranz.

(Cauh Yizganh)